

來尋問著仍慵喘 不燒香不禮念落魄婪耽酬了今生願日
用不勤功怎見紫詔來宣大道無爲顯

懷甯伯功惠鞋

清叟冠伯功履見惠山洞別有非常意使我頂天並立地俯仰
觀瞻無作兼無愧 得斯因無限喜出戶迎賓何患殊無禮更
向就中搜奧旨上下沖和得赴青霄裏

瑞鷓鴣

寄華清道眾

環墻圍合洞中天瑞氣祥光愈接連白鹿懷中常穩坐青牛背
上得閉眠 驪山不到經三載華岳相違近四年霞友雲朋應

道藏輯要

漸悟集

兜

胃集七
川〇八

怪我爭知此處結金蓮

勸道友

清虛雖好戀家緣住甚因由上得天頂戴恩山猶論道身居苦
海尙擎拳 是非窟裏功難就名利叢中果怎圓若不同頭尋
出路如何只恁做神仙

住環堵

冬雖無火抱元陽夏絕清泉飲玉漿蠟燭不燒明性燭沉香無
用熱心香 三年赤腳三年願一志青霄一志長守服山洞環
堵內無恩相報害風王

過楊柳渡

馬風甯海遇重陽西入關來放肆狂好看梅溪楊柳渡喜遊竹
徑杏花岡秦川鋪錦宜春睡渭水橫絲繫日長勝景無窮吟
不盡命工圖畫比仙鄉

詠茶

盧仝七碗已昇天潑雪黃芽傲睡仙雖是旗槍爲絕品亦憑水
火結良緣免毫盞熱鋪金藥蟹眼湯煎瀉玉泉昨日一盃醒
宿酒至今神爽不能眠

居菴

閑人相訪有何妨惟恐閑人話短長真樂真閑無議論至微至
妙絕商量是非欲說氣神散名利纔言道德忘不若澄心常

道藏輯要

漸悟集

辛

胃集七
川。上

默默自然彼此得清涼

督韓三官人

男兒決烈在言談口契相違亦害慙雖是韓三踈馬二柰何馬
二憶韓三養家便是甘中苦學道須知苦裏甘甘苦甘還
省悟出離火院佳雲菴

收家書

家書接得急開封正值糊窗要辟風我意難隨你意去道心不
與俗心同行功未滿大千數雲水須遊太一宮傳語兒孫並
弟姪後來書至擊牆東

又